

«Ҳилол» интеллектуал клубининг биринчи мавсумдаги илк мусобақаси ўтказилди



19:44 / 25 июнь 450

Бугун, 25 июн куни «Ҳилол нашр» матбаа-нашриётининг мажлислар залида «Ҳилол» интеллектуал клубининг янги мавсумдаги илк мусобақаси бўлиб ўтди.

Ушбу мусобақада жами 20 та жамоа: 10 та эркаклар ва 10 та аёллар жамоаси иштирок этишди.

Якунда 2 та эркаклар ва 2 та аёллар жамоаларидан энг кўп балл тўплаганлар мусобақа ғолиби бўлишди.

Ғолибларга ҳомийлар томонидан тайёрланган ҳадялар топширилди. Жами 4 та жамоа учун 20 дона «Олтин силсила» – «Сунани Абу Довуд» китобининг 1-жузи ҳамда 500 000 сўмлик совға сертификати топширилди.

Шу тариқа ғолиб жамоалар «Ҳилол» интеллектуал клуби мусобақасининг мавсумдаги илк финалига йўлланма олишди. Финал 27 август куни ўтказилади, унда «Ҳадис ва ҳаёт» китобининг 7-жuzидан саволлар берилади.

Мавсумнинг иккинчи босқич мусобақаси июль ойининг 30 санасида бўлиб ўтади. Мазкур илм мусобақасида ҳам худди бугунгидек 20 та жамоа ўзаро куч синашади. Бу жамоалар «Ҳадис ва ҳаёт» силсиласининг 6-жузини ўқишлари керак.

Ҳали рўйхатдан ўтмаганлар бўлса, марҳамат, ўзингиз билан 5 та аъзо топиб, «Ҳилол» интеллектуал клубидан рўйхатдан ўтинг. Илмингизни мустаҳкамланг, илм мусобақасида иштирок этинг, ғолиб бўлиб, ҳадяларга эга чиқинг!

«Ҳилол» интеллектуал клубининг ўйини ҳақида тўлиқ маълумот:

<https://t.me/HilolNashr/21292>